

類

焦

類傳卷第二十七

勾吳虛舟鄭若庸纂輯

山東按察司副使古虞百樓鍾

穀
四庫全書
校閱

戶部陝西司主事西蜀少川王用楨

戶部福建司主事古粵礪山鍾昌

工部營繕司員外四明廖韓張大器

同閱

臨清州知州古完呂珩

校正

太學生汪珙校梓

花木類

木

勾芒

禮記云孟春之月其帝大皞其神勾芒注

此蒼精之君木官之臣

物初孔子云大皞配木

木以東方萬物之初皆出焉

氣躍春秋元命苞

云木之爲言觸也氣動躍也

易象易云巽爲木

坎其於木也爲堅多心艮其於木也爲堅多節

離其於木也爲科上稿**春德**禮記云孟春之月

盛德在木無伐大樹**震方**前漢五行志云震在

東方爲春爲木**陽陰**周禮云山虞仲冬斬陰木

仲夏斬陽木注陽木春夏生者陰木秋冬生者

陽木生山南陰木生山北**疾生**爾雅以木族生

為灌灌木叢木也**惟喬**尚書云厥木惟喬**曲直**

書云木曰曲直曲直作酸**乘王**禮斗威儀云君

乘木而王者其政升平則草木豐盛**畢方**尸子

云木之精氣為畢方注火鳥**精化**玄中記云百

歲之樹其汁赤如血千歲之樹精為青羊萬歲

之樹精為青牛**采華**玄中記云大樹之山西則

有采華之樹服之則通萬國之言**澆根**尸子云

深根固蒂**伐本**國語云伐木不自其本必有後

生塞水不自其源必有後流除禍不自其本必

有後亂

柔脆

老子云草木之生也柔脆其死也

枯槁

槁末

老子云合抱之木生於毫末

衆代

淮

南子云直木先伐其泉先竭

帝休

山海經云少

室山上有木名帝休黃花黑葉服之不怒

由藥

書云若顛木之有由藥

刊木

書云禹隨山刊木

樛木詩云南有樛木注木下曲曰樛

攻木

周禮

云凡攻木之工輪人與人弓人廔人匠人車人

梓人

柔木

詩云荏染柔木君子樹之注荏柔貌

木桐梓之屬**攻堅**禮記云善問如攻堅木先其

易者後其節目**嘉木**唐書云太宗嘗玩禁中木

曰嘉木也**受繩**荀子云木直中繩標以爲輪其

曲中規雖有槁暴不復挺者輶使之然也故木

受繩則直**青葱**丁鴻傳云千仞蔽日之木起於

青葱**漸土**揚子云止於下而漸於土者其木也

哉**根土**淮南子云木根於土**制木**淮南子云賢

王之用人猶巧工之制木小大修短皆得其宜

規矩方圓各有所施**赤木**稽命錄云出號施命

出民心作樂制禮則天心則草木有益於人者
長以養民王者得禮之制澤谷中生赤木削鑿
荀子云梓人削木爲鑿鑿成見者驚猶鬼神司
木禮記云司木注山虞也**散木**莊子云匠石之
齊見斲社木絜之百圍匠石不顧弟子曰材如
此其美先生不可視何邪曰此散木也無所可
用故能壽**不材**莊子云南伯子綦遊于商丘見
木焉有異結駟千乘隱將庇其類子綦曰比何
木也然必異材視其枝則拳曲不可爲榱棟視

其根不可爲棺槨舐其葉則舌爛嗅之則使人
狂醒子綦曰此果不材之木以至其大矣**從繩**
書云木從繩則正**素木**劉禎云昔君淮畦時果
土有素木條柯不盈尋一尺耳三曲隱生冥醫
林控揔自迫速得託芳蘭苑列植高山足**芳樹**
李爽云芳樹千株發搖蕩三陽時氣軟來風易
枝繁度鳥遲春至花如錦夏近葉成惟欲寄邊
城客路遠詎能持**向榮**陶潛云木欣欣而向榮

松

徂徠

詩云徂徠之松

土瘠

國語云松栢之地其

土常瘠

青貢

書云青州厥貢岱畎絲枲松怪

石**茯苓**

玄中記云松脂淪入地中千歲爲茯苓

飛芝

抱朴子云松樹三千歲岩皮中有聚脂狀

如龍形名曰飛芝

兔絲

淮南子云千歲之松下

有茯苓上有兔絲

九九

詩云陟彼景山松栢九九

九九

禮記云其在人也如松栢之有心故貫

四時不改柯易葉

本傷

呂氏春秋云百仞之松

本傷於下而未槁於上

塵尾

周景式廬山記云

石門北巖即於林也南臨石門澗澗中仰視之
離離如駢塵尾號塵尾松**松肪**本草經云松脂
一名松肪渴中久服輕身延年**賈**嵩山記云
嵩高山有大松樹或百歲或千歲其精變爲青
牛爲伏龜採食其實得長生**馬**廬山記云西
嶺松如馬鬣又葉五粒者服之長生**秦**封漢官
儀云秦始皇上封泰山逢疾風暴雨賴得抱大
松而芘因封其樹爲五大夫**木**正列仙傳云佐
生亦當湯時爲木正常食松脂自作石室周武

王祠之**西麓**聖賢塚墓記云東平王歸國思京

師後葬葬東平其塚上松松栢皆西向**雙鶴**

神境記云滎陽郡南有石室室後有孤松千丈

常有雙鶴晨必接翮夕輒偶影傳曰昔有夫婦

二人俱隱此室年既數百花成爲雙鶴**金寶**神

仙傳云偃佺好食松實能飛行速如走馬以松

子遺堯堯不能服受服者皆三百歲**瘦鸞**謝承

後漢書云方儲丹陽人除郎中遭母憂負土成

墳種松栢奇樹千株鸞鳥棲其上**墓種**祿章記

云徐孺子墓在郡東時杜牧爲守於墓前種松

多節昔書云庾亮見温嶠歎曰嶠森如千丈松

雖礫砢多節施之大厦有棟梁之用**突茂**顧愷

之傳云與簡文帝同年而髮蚤白帝問其故對

曰松栢之姿經霜韜蒲柳之質望秋先零帝悅

其對**薛天**金陵記云芳山有野人見使者異服

牽一白犬野人問居何地曰居偃盖山隨至右

松下而沒松形果如蓋意使者乃松樹犬茯苓

耳**夢松**張勃吳錄云丁固夢松樹生其腹上人

謂曰松字十八公也後十八年其爲公乎**燒炬**

魏志云孫權自將軍至合肥新城魏使滿寵赴之募壯士數十日祈松爲炬從上風放火烧賊

退**處士**鄭薰傳云薰端勁再知禮部舉引寒俊

士數多之既老號所居爲隱巖號七松處士**爲**

主唐書云爲表徵受監察御史不樂曰吾將爲

松菊主人不愧陶淵明云**磨頂**廣異記云唐武

德中元獎將往西域取經見松樹以手磨其枝

曰吾西去求佛教汝可西長若吾歸即却東向

及去年年西向一年東向元奘果回衆名曰庶

頂公

復生

開元遺事云明皇遭祿山之亂鑿與

西幸禁中枯松復生枝葉愈蓓宛如新植者後
肅宗平內難再興唐作祥不誣矣

吟我

韓愈云

崔斯立爲藍田縣丞植二松吟我其間

不性

劉

公幹云亭亭山上松瑟瑟谷中風風聲一何盛

松枝一何勁風霜正慘悽終歲恒端正豈不罹

霜雪松栢有本性

貞姿

陶元亮云懷此貞秀姿

卓爲霜下列

冠巖

陶潛云音公冠巖列

冠巖

傳

玄云飛蓬隨風起芳草摧山澤世有千年松人
生詐能百

靈木

謝惠蓮云松惟靈木擬心雲端

跡絕王除寄形青叟子欲我知求之歲寒

直意

范雲云條條拂層漢密葉帳天澤凌風知勁節

負霜見直心

素髓

許詢云青松凝素髓秋菊落

芳英

擢頰

王儉云山有喬松峻極青蔥既抽榮

於岱嶽亦擢頰於荆峯受靈命於后土方虞舜
以齊蹤貫四時而不改超五王之嘉容上拂天
而獨速下流雲而自重重陰微微漏景含暉日

既升而...時方中而未晡通霄漢而隱影集
鷺凰之翻飛紫馬劉琨云紫馬長松下歇鞍高
岳頭烈烈悲風起冷冷潤水流翠實左九嬪云
列翠實之離離複幽芬而永馨賢嶺沈約云稍
聳振寒聲青忒樽暮色踈葉望嶺齊喬餘臨雲
直飛謝朓云修幹垂陰喬柯飛穎望蕭蕭而
既閑即微微而方靜懷風音而送聲當月露而
留影凌草吳筠云根爲石所蟠枝爲風所碎賴
我有真心終凌細草輩聚雲隋煬帝云古松唯

一樹森疎詎成林，獨留塵尾縣猶橫。偃蓋陰雲
來聚雲色風度雜風音孤生小庭裏尚表歲寒
心。**擢秀**李德林云結根生上苑擢秀迺華池歲
寒無改色年長有倒枝露自金盤灑風從玉樹
吹寄言謝霜雪貞心自不移。**花幃**白樂天云偃
亞長松樹侵臨小石溪靜將流水對高共遠峯
齊翠蓋煙籠蜜花幃雪壓低與僧清影坐借鶴
穩枝椽棟梁君莫採留着伴幽棲。**明讓**柳宗元
云孤松偃翠蓋託根臨廣路不以險自防遂爲

明所誤幸逢仁惠意重此藩籬護猶有半心存
時將承雨露

栢

木長

爾雅云栢掬也史記曰松栢爲百木長而

守宮閭

荆貢

書云荊州厥貢柅幹栢

暢白

埤

雅云栢一名掬雜記所謂暢白以掬者是也栢
性堅緻有脂而香故古人破爲暢白用以檣櫓

新甫

毛詩曰新甫之栢

收實

崔寔月令云七月

收栢實

倒生

抱朴子云天陵偃蓋之松大谷倒

生之栢凡此諸木皆與天齊其長地等其久也

白於 山海經云白於之山其上多栢 **得真** 孫卿

子云栢經冬而不用蒙霜不變可謂得其貞也

左紐 太清記云太清宮檜老子手植根株枝幹

皆左紐 **栢谷** 述征記云栢谷谷名也漢武帝微

行所至宿於栢谷谷中無迴車地夾以高原栢

林蔭藹窮日幽暗殆弗覩陽景 **食實** 列仙傳云

赤松子好食栢實蔭落更生 **殷社** 論語云哀公

問社於宰我宰我對曰夏后氏以松殷人以栢

栢梁

漢武故事云栢梁臺高二十丈悉以栢香

聞數十里

稠種

三輔黃圖云漢文帝霸陵不起

山陵稠種栢

住塚

東觀漢記云李恂遭父母喪

六年躬自負土樹栢常住塚下

株數

謝承後漢

書云陳留虞延爲郡督郵光武巡狩至外黃問

延園陵栢樹株數延悉曉之由是見知

淚枯

王

隱者書云王褒痛父爲司馬昭所殺誓不仕晉

廬父墓側旦夕朝拜悲號斷絕墓前一栢樹褒

常所涕淚所著樹爲之枯

鵲立

東方朔傳云武

帝聞鵲鳴新雨止朔執戟在殿上呼問之荅曰
殿後栢樹上有鵲立枯枝上東嚮鳴上遣視如
朔言**蠶子**漢書云趙帝時長安諸陵栢樹枯倒
者悉生枝葉蟲蝨作字云曾孫病已立昭帝崩
昌邑王廢迎立宣帝宣帝名病已**栢臺**史記云
宋博爲御史大夫府中列栢有烏數十棲其上
後世稱曰栢臺**埋儀**異聞錄云桑道茂居有二
栢甚茂曰人居木盛則土衰土衰則人病乃以
鍊數十斤自埋其下曰後有發者死太和中温

造居之發藏缺而造死 **孔廟** 水經云魯郡孔子
偕廟有栢二十四株歷漢晉其大運抱土人崇
敬之莫敢犯 **綠濃** 魏收云古松圖偃蓋新栢寫
鑑峯凌寒翠不奪迎暄綠更濃如葉輕沉體咀
實化衰容將使中臺虜遠山能見從

梧桐

嶧陽 書云徐州貢嶧陽孤桐注材中琴瑟又劉
會云鄒山古之嶧山魯穆公改爲鄒山今鄒山
嶧陽猶多桐樹 **視** **榮** 爾雅云楓桐也榮桐木也

朝陽

詩云梧相生矣于彼高岡鳳凰鳴矣于彼

朝陽

青桐

埤雅云梧一名槻即梧桐也今人以

其皮青號曰青桐

致巢

南方草木狀云梧桐子

似乳綴其葉多或五六少或二三故飛鳥喜巢

其中昔人謂空閣來風桐乳致巢是也

始華

周

書云清明之日桐始華不華則歲有太寒又蔡

邕月令云桐木後華故曰始

桐品

詩義疏云梓

實桐皮曰楨今人云梧桐也有白桐有青桐有

赤桐雲南荊人織以爲布又賈勰云桐葉華

而不實者曰白桐實而皮青者曰梧桐二種外
又有岡桐即油桐生於高岡**樂器**齊民要術云
梧桐山石間生者爲樂器則鳴**百圍**謝靈運云
吹臺有高桐皆百圍嶧陽孤桐方此爲劣**伏羲**
詩云檜桐梓漆爰伐琴瑟疏云檜即今梧桐也
鶉鳴莊子云鶉鳴非梧桐不棲**梧宮**齊地記云
城北十五里有桐臺即梧宮**成雲**淮南万畢術
云桐木成雲**龍閣**枚乘云龍門之桐百尺無枝
其中鬱結輪茵扶踈**據梧**莊子云師曠之枝策

惠子之據梧此言精大用則竭神大用則敝故

二子疲或枝策而立昏或據梧而暝**露葉**蘇子

云夫人生若曉露託桐葉其與幾何**虛心**埤雅

云桐柔木也而虛其心若能桐者父喪杖竹母

喪杖桐竹有節父道也桐能同母道也母從子

道也**奠**吳氏春秋云成王與唐叔虞燕居援

梧葉翦圭以告曰以此封汝虞喜以告周公周

公請封虞王曰余與虞戲周公曰天子無戲言

於是遂封叔虞於唐**雋尾**吳志云蔡邕居吳見

有吳人燒桐以爨者聞其聲曰良材也因請削
爲琴尾尚焦號焦尾琴刻魚吳苑云晉武帝時
吳郡臨平岸出石鍾扣之無聲以問張華華云
取蜀中桐材刻作魚形扣之則鳴矣於是如言
音聞數里題葉摺紳腔說云顧况嘗於御溝水
上得桐葉上題云一入深宮裏年年不見春還
憑一片葉寄與有情人况復題葉於流泛之後
十餘日况又得一詩其詩若答况者又本事詩
云蜀侯繼圖倚大慈寺樓飄一桐葉上有詩云

扶翠歛娥眉爲鬱心中事擗管下庭除題作相思字書向秋葉上願遂秋風起天下有心人盡解相思死後數年繼圖卜任氏爲婚焉聞歌異苑云吳平州門外忽生一株青桐上有歌謠聲平惡代之平隨軍北虜三載忽空中似歌曰死樹今更青吳平尋當歸適聞殺此樹已復有光輝吳尋歸鳳秦記云初長安謠云鳳凰上阿房符堅遂於阿房城植桐數万株至慕容冲入阿房而居冲小字鳳凰破葉唐書云德宗在奉

天李泌召赴行在時李懷光叛歲又隗臯議者
欲赦懷光帝博問群臣泌破一桐葉附使者進
曰陛下與懷光君臣之分不可復合如此葉矣
由是不赦鳳條酉陽雜俎云歷城房家園齊博
陵君豹之山也其中雜樹森竦或有人折其桐
枝者君曰何爲傷吾鳳條自是人不敢復折其
枝酬直北夢瑣言云王義方初拜御史置宅酬
直訖數日忽對賓朋指庭中青桐一雙曰此忘
酬直召宅主付錢四千寒山張協云寒山之桐

出自大冥含莫鍾以吐幹據蒼岑以孤生

鳳翔

傳咸云停公子之龍駕息旅人之行裝膽華實

之離離想儀鳳之來翔

生井

魏明帝云双桐生

空井枝葉自相加通泉浸其根玄雨潤其柯

微

葉沈葉云秋還遽已落春曉猶未莫微葉雖可

賤一翦或成珪

拂鳥

梁簡文帝云季月双桐井

新枝雜舊株晚葉藏棲鳳朝花拂曙鳥

自吟
鮑

昭云桐生叢谷藁根孤地寒陰未霜葉已肅不

風條自吟不願見彫斲爲君堂上琴

待鸞

沈約

云龍門百尺時排雲少孤立分根蔭玉池欲待
高鸞集**結陰**蕭子良云植椅桐於廣園嗟條忽
而成林依層楹而吐秀臨平臺而結陰乃抽葉
於露始亦結實於星沉聳輕條而麗景涵清風
而散音

梓

木王 埤雅云牡丹華王梓爲木王蓋木莫良於
梓故書以梓材名篇禮以梓人名匠也**菜梓**詩
云惟桑與梓必恭敬止**橋梓**傳云伯禽康叔見

周公三見而三答二子往見商子商子曰橋高而仰北山有梓卑而俯橋父道梓子道也南山有二子入門而趨登堂而跪周公拂其首勞而食之**樹櫃**左傳云季孫爲已樹六櫃於蒲圃東門之外定姒葬匠慶請蒲圃之櫃以爲觀君子曰多行無禮必自及也**樹墓**史記云胥告其人曰必樹梓吾墓**爲筓**曹子建云斬泗濱之梓以爲筓

槐

虛星 春秋說題云槐木者虛星之精**取水** 周禮

云燧人秋取槐楨之火**鬼自** 莊子云槐之生也

於季春五日而兔日十日而鼠耳**合婚** 廣志云

槐大葉而黑江東有樹與此相反名合婚槐**生**

火 淮南子云老槐生火久血爲燐**守宮** 爾雅云

守宮槐葉畫聶宵炕注聶合炕張也**聽訟** 春秋

元命苞云樹槐聽訟其下槐之言歸也情見歸

實 **槐棘** 周官云外朝之法左九棘孤卿大夫位

焉右九棘公侯伯子男位焉面三槐三公位焉

蓋槐取黃中外懷及其莖黃其成實玄故也棘
取赤中外刺又其花白其成實赤故也

槐

晏

子春秋云齊景公有所愛槐使人守之令曰犯
槐者刑傷槐者死有醉而傷槐者且加刑焉

斷

槐國語云晉靈公不君趙宣子驟諫公患之使
鉅麇賊之麇退嘆曰不忘蒸敬民之主也賊民
之主不忠棄君之命不信有一於此不如死也
遂斲麇槐而死

待神

金匱書云太公諫武王棧

相於三門待天下之神有益者入無益者距之

服實 梁書云庾肩吾服槐實年七十餘目看細

字毛皆黑 **還茂** 南史云祖士雄廬側其庭前有

槐先自榮茂及士雄居喪槐忽枯死服闋還茂

高祖嘉之名其里爲累德 **倚槐** 洛陽伽藍記

云廣陵王克淵亭着衮衣倚槐樹立問於湯元

慎曰三公之祥退曰廣陵死矣槐字木傍鬼死

後當得三公廣陵討葛榮果爲所殺 **雀集** 曹植

云武帝執政日白雀集於庭槐 **槐市** 三輔黃圖

云元始四年起明堂辟雍爲博士舍三十區爲

會市但列槐樹數百行諸生朔望會此市各持
其郡所出物及經書相與買賣雍雍揖讓議論
樹下**取薪**唐書云貞元中度支欲取兩京道中
槐樹爲薪先下符牒涇陽縣尉張造牒曰召伯
所憇尚勿剪除先皇舊遊豈宜斬伐**槐安**異聞
錄云淳于棼家廣陵宅南有古槐棼豪飲其下
因醉致疾二友扶之歸卧夢二使曰槐安國奉
邀棼隨二使指古槐入穴中曰大槐安國入見
王妻以愛女命守南柯郡棼至郡累年既寤乃

夢也尋古槐下穴洞然明朗可容一榻有二十大
蟻又窮一穴直上南枝即南柯郡三槐聞見錄
云王晉公祐宋太祖朝知制誥時魏州節度使
符彥卿有飛語聞于上遣祐使魏州以便宜付
之且曰使還與卿王濟官職及至魏得彥卿家
僮二人挾勢恣橫以便宜決配而已及還朝太
祖問曰汝敢保符彥卿無異意乎祐曰臣願以
百口保之上怒華州安置祐赴貶時親朋送於
都門外謂曰意公作王濟官職矣祐笑曰祐不

及做二郎當得之二郎文正公且也祐素知其
必貴手植三槐于庾曰吾子孫必有爲三公者
已而果然天下謂之三槐王氏雲覆魏文帝云
有大邦之美樹惟令質之可嘉託靈根于豈壤
被日月之光華周長廊而開趾夾通門而駢羅
承文昌之邃宇望迎風之曲阿修幹紛而潏潏
綠葉萋而陰陰上幽藹而雲覆下莖立而擢心
舊途魏都賦云槐以蔭途華圃王粲云惟中唐
之奇樹稟天然之淑姿趨疇畝而登埴作階庭

之葉叶**心**摯虞云東宮止德一內承華之外

槐樹二枝連理而生二幹一心以蕃本根**望**

王粲云既立本於殿省植根柢其弘深鳥願棲

而投翼人望芘而披衿**柔色**繁欽云嘉樹吐翠

葉列在雙闕涯旖旎隨風動柔色紛陸離**披**

曹子建云披文陛而結根**致涼**晉王濟云龍升

南陸火集正陽鼓柯命風振葉致涼

榆

取火周禮云四時變國火春秋取榆柳之火**鵲**

起

莊子曰鵲上高城之危而巢於高榆之巔城

壞巢折交風而起故君子之居世也得時則義

行睽則鵲起

鵲鳴

韓詩外傳云楚莊王將伐

晉敢諫者死叔敖進諫曰臣園中有榆樹上有

蟬鳴方奮翼悲鳴飲清露不知螳螂之在其後

也**榆社**

漢書云高祖禱豐扮榆社在豐東北十

五里

夾道

鄴中記云襄國鄴路千里之中夾道

種榆盛暑之下人行之

食皮

漢天文志云成帝

時旱傷麥民食榆皮

拋錢

白樂天云榆葉拋錢

柳展眉 **解飛** 韓愈云楊花榆莢無才思也解漫天作雪飛

楓

葉械 山海經云黃帝殺蚩尤於黎山棄其械化爲楓樹 **香樹** 南方草木狀云楓香樹子大如鴨卵二月華色乃連著八九月熟曝乾可燒惟九真郡有之 **聶風** 爾雅云楓聶天則鳴故曰風聶注聶合也 **羽人** 齊丘子云老楓化爲羽人 **漢宮** 三輔黃圖云漢宮殿中多植之至霜後葉丹可

愛故騷人多稱之**鳳集**周書云渠州言鳳凰集

于楓樹有鳥列侍**蒼黃**異苑云鳥傷陳氏有女

處著屐上大楓顛顛曰我應爲神今便長往惟

左蒼右黃當雙歸耳舉手辭訣於是飄舉極睇

乃沒既不子蒼黃之意後每春輒以蒼犬秋黃

大設祀頗著靈響**葉丹**謝靈運云曉霜楓葉丹

映霞梁簡文帝云萎綠映霞青疏紅分浪白花

葉洒行舟仍持送遠客

葉

箕精 典術云 棗木者 箕星之精神 木蟲食葉爲

文章 人食之 老翁爲小童 **宅土** 書云 濟河惟充

州云 云棗土 既蠶是降 丘宅土 注地高曰丘 大

水去 民下丘 居平土 就棗也 **帝女** 山海經云 宜

山上有棗 大五十尺 其枝四衢 葉大尺 赤理青

華 名之曰帝女之棗 **扶棗** 十洲記云 扶棗在碧

海中 上有天帝宮 東王所治 有棗樹 長數千丈

二千圍 同根 更相依倚 故曰扶棗 仙人食根本

作紫色 其樹 雖大 椹如中夏 棗也 九十歲亦生

實味甘香又山海經賜谷有扶蕪十日所浴

治

詩云蕪之未落其葉沃若

伏蛇

本草經云蕪

根旁行出土上者名伏蛇治心痛

遠揚

詩云

月條蕪取彼斧戕以伐遠揚注遠揚揚起若

伐

禮記云季春之月命野虞無伐蕪柘

久留詩

云猗彼女蕪**官舍**晉令云丞尉官舍有蕪皆給

之其無蕪及不備三百株皆使吏卒隨問於官

舍種蕪如數**苞蕪**易云繫于苞蕪注苞蕪言固

也

戴勝

禮記云鳴鳩拂其羽戴勝降於蕪

布

周禮云宅不毛者有里布注不毛不植桑麻也
欲令宅植桑麻則無稅賦以勸之不植者則罰
以二十五家之稅布呂氏春秋云伊尹之
毋居伊水之上孕夢有神告之曰日出水東走
無顧明日視日出水告其鄰東走顧其邑盡爲
水身因化爲桑有莘氏採桑得嬰兒空桑之中
獻之於君君令乳之左傳云晉公子重耳
出奔及齊齊桓公妻之將行舅犯等謀於桑下
蚕妾在上聞之以告姜氏姜氏殺之謂公子曰

子有四方之志其聞之者吾殺之矣

晉書左傳

云趙宣子田於首山舍翳桑見靈輒餓曰不食

三日矣與之簞食及肉宣子遇變有倒戟以禦

公徒而免之問之曰翳桑之餓人也

列子

云晉文公欲伐衛公子鉏仰而笑公問之曰臣

之隣人有送其妻適私家者道見桑婦悅而與

言然顧視其妻亦有招之者矣臣竊笑此公悟

乃引師還未至而有伐其北鄙者

史記云

楚邊邑卑氏之處女與吳邊邑之女採桑二女

家相怒喧兩國邊邑楚邊邑長攻滅吳邊邑吳
王怒遂伐楚拔居巢鐘離漢春秋元命苞云
姜嫄遊閼宮其地多桑履大人迹生稷爲漢
書云陳留屠蟠耻郡無義士遂閉門養志蓬戶
菜室依大桑樹爲椽梁湖述異記云桓冲爲
江州刺史遣人周行廬山冀覩靈異既陟崇獻
一湖生桑有敗船赤鱗魚使者渴欲飲水赤鱗
張者向之遂不敢飲深羊祐傳云叔子五歲
時令母於東家桑中探得金環是前身所藏溜

女列女傳云閔王遊至東廓百姓盡覩有宿瘤女採桑如故王恠問之對曰受父母教採桑不受教觀王王曰此竒女悅而聘迎之以爲后馴

雉

漢書云魯恭爲中牟令雉馴于桑下

作歌古

今注云邯鄲有美女秦羅敷王仁妻仁後爲趙王家令羅敷出採桑陌上王登臺見而悅之因飲酒欲奪焉羅敷善彈箏作陌上桑之歌以自明贈金列女傳云魯秋胡子納妻五日而官於陳後歸未至家見路傍茅婦採桑秋胡下車願

託桑蔭下且出金曰願與夫人婦不顧胡歸呼婦出卽向抹桑者數胡之罪自投于河開詠韓非子云國子產開畝植桑鄭人訾謗如蓋北史云齊太祖在武進其宅南有桑樹高三丈橫出曰枝如車蓋太祖年數歲遊其下從兄謂之曰此桑爲汝生也勸種後漢書云張堪爲漁陽太守勸民耕種百姓歌曰桑無附枝麥穗兩岐張君爲政樂不可支涼言蜀志云先主舍東南角籬上有桑樹生高五丈餘遙望幢幢如小車

蓋往來者皆惟此樹非凡或謂當出貴人先主
少時與宗中諸兒於樹下戲言吾必當乘駑葆
車蓋蚕文搜神記云有人遠征家惟一女一馬
女思父戲馬曰爾能爲我迎父吾將嫁女馬頓
轡逸以父歸後馬見女輒怒女具以告父乃殺
馬曝皮庭中女之皮所皮歷然飛起卷女行俄
失所在後於大桑樹枝間得女及皮盡化爲蚕
績樹上其蠶厚大異常鄰婦取養之其收亦倍
今謂蚕爲女兒以此馬乘五代史云會同二年

契舟南掠沂洛磁至于安陽河焚掠殆盡契舟
見大桑木罵曰吾知紫披僂出自汝身吾豈容
汝活邪束薪於木而焚之

葉細

梁簡文帝云寄

語採桑伴訝今春日短枝高攀不及葉細籠難

滿隱鸛

梁吳均云娟娟陌上桑蔭陌復垂塘長

條映白日綠葉隱鸛黃蚕飢妾復思拭淚且捉

筐移鉤

梁劉遵云倡女不勝愁結束下青樓逐

伴西蚕路相指南陌頭葉盡時移樹枝高下易
鉤絲纒挂且脫金籠寫復收蚕飢日已暝詎爲

使君留**息倦**王臺卿詠云冷月開和景處處動
春心挂筐湏葉滿息倦重枝陰

拓

宜石南方草木狀云柘宜山石柞宜山阜楮宜
澗谷柳宜下田竹宜高平之地**弓材**考工記云
弓人取材柘爲上檟次之檠桑次之橘次之木
瓜次之荆次之竹爲下蓋弓材莫良於檠尤良
於柘故皇矣先其檠後其柘也**銅屋**書注云柘
葉飼蠶其絲作琴瑟弦清鳴嚮亮勝於凡絲遠

矣

榆

蘊莖爾雅云榆曰蘊莖無姑其實莢又詩云山
有蘊隰有榆**蘊莢**說文云榆白粉也榆有刺莢
為蕪莢**莢落**春秋元命苞云三月榆莢落**條長**
管子云玉沃之土其榆條長**赤心**計然云蕪莢
出地赤心者善**欲眠**稽康云種豆令人行種榆
令人眠**樾**智所知也又博物志云食粉榆則眠
不欲覺**望氣**史記天官書云凡望雲氣平望在

桑榆上餘二千里 **鵲起** 莊子云鵲上高城之堦

巢高榆之顛城壞巢折凌風而起故君子居世

得時則義行失時則鵲起 **鄠種** 鄠中記云襄國

鄠路千里之中夾道種榆盛夏之月人行其下

人君 夢書云榆爲人君德至仁也夢採榆葉受

賜息也夢居樹上得貴官也 **食皮** 漢書天文志

云成帝河平元年旱傷麥民食榆皮 **朽蠹** 桓譚

新論云劉子駿信方士謂爲神仙可學余見其

庭下有六榆樹久老剝折指謂曰彼樹有情然

猶朽蠹人雖愛養何能不衰
植濟應璩云凡見
所上利民之術植濟南之榆栽漢中之漆
天
古詩云天上何所有歷歷種白榆

椶櫚

椶櫚

廣雅云椶櫚椶也

似輪

廣志云椶一名椶

椶葉似車輪乃在嶺下有皮纏之附地起二旬

一椶轉復上生

臨沅

吳錄云武陵臨沅縣多并

閭木生山中

護椶

晉令云其夷民守護椶皮者

一身不輪

疑竹

江淹云異木之生疑竹疑草攢

叢石逕森從山道烟岫相珍雲壑共寶不錦不
纏何必弓巧

杉

覆谷

南康記云南野巘山有漢太傅陳蕃墓望

望兩杉樹兩聳柯出嶺垂蔭覆谷

被厓

名山志

云華子崗上紫杉千仞被在厓側

猿棲

又云金

州山西面杉踈偏爲白猿所棲竟夕哀鳴行人

所惡

勅令

咸康起居注云侍御史秦武奏平陵

前道杉樹一株萎死以備預栢栽補之請收陵

令批幼**伐樹**劉欣期交州記云合浦東一百里
有杉樹葉落隨風入洛陽城內漢時善相者云
此休徵當出王者故遣人伐樹役夫多死**駭鷲**
江淹云桐梓舊麗松枯稱奇焉如茲品獨秀青
崖群木歛望雜卉不闕長入烟氛永驂鸞螭

樗樂

惡木

釋文云樗惡木也

散材

莊子注云樗櫟散

材蔽芾

詩云蔽芾其樗

文木

莊子云匠石之齊

至曲園見社樹曰是不才故若是之壽社見夢

曰若此木乃文木也。楂梨橘柚之屬熟則剝故
不終天年。**擁腫**。惠子云吾有大樹人謂之樗其
本擁腫不中繩墨小枝拳曲不中規矩至於逢
匠者不顧。今子之言大而無用衆所同知。**不損**
白樂天云香檀文杏苦雕鑄生理何能得自全
知有無材老樗否一枝不損盡天年。**柞蓼**。請疏
云周秦謂柞爲櫟河南謂蓼爲櫟。**椽椒**。爾雅云
櫟其實椽椒之屬其子房生爲椽

椿

八千

莊子云上古有太椿以八千歲爲春八千歲爲秋注生江南一云生此戶南北木三萬二千歲爲一年

一株

五代史云燕山竇諫議五子

或贈詩曰燕山竇十郎教子有義方靈椿一株老丹桂五枝芳

含韻

晏元獻云我我楚南樹杳杳含風韻何用八千秋騰凌記朝茵

冬青

女貞

蘇彥云女貞之木一名冬青負霜葱翠振

柯凌風故清士歛其質而貞女慕其名

風動

謝

眺云風動萬年枝
陰寒許渾云霜霰不凋色
雨
株交石壇未秋紅
實淺經夏綠
陰寒

荆

衡星

春秋運斗樞云玉衡星散爲荆
荆名廣志

云楚荆也
牡荆蔓荆也
又云赤莖大實者名牡荆
又有山荆
荆品廣州記云白荆堪爲履
紫荆堪爲牀
萬南杜荆指病自愈
官生漢書云淮南王安謀反
伍被諫曰昔子胥諫吳王云
今臣見麋鹿遊姑蘇之臺
臣今亦將見宮中生荆棘露

沾衣也

班荆

左傳云伍舉人鄭聲子將如晉遇

之郊班荆相與食而言復故

欣聚

孝子傳云古

有兄弟忽欲分異出門見三荆同株接葉連陰
嘆曰木猶欣聚况我而殊哉還爲雍和

負荆

史

云廉頗與藺如不協後頗肉袒負荆謝遂爲刎

頸交

較生

神仙傳云吳徐隨君丹徒左慈過隨

傳

辭枝

杜子美云風吹紫荆樹色與春庭暮花

落辭故枝風迴返無處

棘

性堅

埤雅云棘性堅強費風之養者

其心之

生更難於幹故詩云凱風自南吹彼棘心

酸棗

詩疏云園有棘棘酸棗也

名邪

傳云豫章以木

稱郡酸棗以棘名邪

鵲巢

埤雅云鵲巢中必有

棘蓋棘性煖故也今人養華之法初春以棘數

枝置華叢上可以辟霜護其華牙也

聽訟

元命

苞云古者樹棘聽訟其下者原心求其赤實也

螢耀

吳都賦云亦猶棘林之螢耀與夫尋木之

龍燭

類應

春秋繁露云美惡之類各以類應故

以龍致雨以扇逐暑軍之所處生以棘楚夔伐
後漢書云我有枳棘岑君伐之

楊柳

蒲柳

爾雅云楊蒲柳所謂董澤之蒲是也今有

黃白青赤四種

字義

說文云楊蒲柳也從木義

聲檉河柳也從木聖聲柳小楊也從木亞聲柳

品

爾雅檉河柳柎澤柳楊蒲注云檉河旁赤莖

小楊也旄澤柳生澤者楊蒲柳蒲柳之木二種

一種皮正青一種皮紅正白葉皆長廣柳可爲

箭竿杞柳生水旁樹如柳葉麓而白木理微赤
故今人以爲車故今洪水旁魯國泰山汶水邊
路紆杞柳也**屋材**齊民要術云白楊性勁直堪
爲屋材寧折終不曲椽性懦軟久無不曲比
之白楊不如遠矣**無火**埤雅云世重黃楊以其
無火或曰以水試之沉則無火取此木必於陰
晦夜無一星則民之爲枕不裂有**苑**詩云有苑
者柳不尚烏焉注苑茂兒言人息其陰**白柳山**
海經云沃民之國有白柳**取火**周禮云春取榆

柳之火**三眠**三輔故事云漢曉中有柳壯如人形號曰人柳一日三眠三起**樊圃**詩云拆柳樊圃狂夫瞿瞿**醜苑**埤雅云松栢醜茂桑柳醜苑詩曰苑彼桑柔又曰苑彼柳斯蓋凡物發而成易茂積而成苑結故柔柳醜條而詩謂之苑也

生梯

易云枯楊生梯老夫得其女妻又大戴禮

云正月柳梯梯發葉也

綠堤

荆州記云綠城堤

邊悉植細柳斯蓋凡物發而成易

云楊圓華弱蒂微風則大搖一名高飛一名燭

搖**不敗**抱朴子云柳作速朽燧以爲炭則憶載
不敗言養生之經有益**爲工**東方朔云百陽爲
拙柳下爲工一作柱下爲工柱下老子柳下展
禽也**驅邪**齊民要術云正月且取柳枝着戶以
驅百邪**穿葉**戰國策云楚養由基善射去楊葉
百步穿其葉百發百中**公射**莊子云支離叔與
滑介叔觀於冥伯之丘崑崙之區俄而柳生其
左肘支離曰子惡之乎滑介叔曰生者假借也
假之而生生者塵垢也死生爲晝夜耳吾與子

觀化而化及又何惡焉**併糶**琴操云思韋子尹
文子叔儋子相與爲友聞楚成王賢俱往見之
至嶽巖之間卒逢飄風暴雨共伏空柳之下衣
寒糧乏自度不能俱活以韋子賢乃併衣糧與
之二子遂凍餓而死韋子見楚王陳酒設鍾鼓
而樂之韋子操琴而作別散之音楚王賜百金
以葬二子**行惠**許慎云展禽之家樹柳行惠獨
因號柳下惠一曰邑名**五株**晉書云陶潛字淵
明爲彭澤令宅邊栽五株柳號五柳先生**將軍**

宜室志云有人於古宅遇柳將軍者驗之乃一
株枯柳源絕晉書云顧愷之有癡病桓玄嘗以
一葉柳給之曰此蟬翳葉也以自蔽人不見已
愷之引葉自蔽玄就弱焉愷之信不見珍重之
人謂愷之有三絕此癡一絕美姿晉書云王恭
字孝伯美姿容人多悅之或日之濯濯如春月
之柳盜種晉書云陶侃鎮武昌性纖密好問類
趙廣漢在武昌嘗課諸營種柳都尉夏施盜種
於已門後俗過見之問曰武昌西門柳何故盜

種于此施服罪 **可**齊書云劉俊之爲益州刺

史獻蜀柳數株枝條甚長狀如絲縷武帝植之

於文昌云和殿前嘗詵歎曰楊柳風流可愛似

張緒高年 **可**種宋書云蕭惠開爲少府不得志

寺內齋前香草蕙蘭悉鏟除列種白柳 **陵**出百

楊雜俎云號州刺史王奇光奏天寶十三載大

雨晦冥女媧陵忽沉一夜河上有人覺風雷聲

曉見其墳湧出上生双柳樹高丈餘下有巨石

兼畫岳進 **墮**墮書云煬帝白渚引河達于淮

海謂之御河河畔築道樹柳名曰墮堤染衣三

峯集云李固言未第前行古柳下聞有彈指聲
古言問之曰吾柳神九也用柳汁染子衣矣科
第無疑得第後以藥饌祀我固許之未久及第
歐容唐書云常虛心父繼爲郎時蔣柳于庭及
虛心居郎省對之輒歛容車蓋墮書云高頰孩
提時家有柳樹高百許尺亭亭如車蓋父老曰
此家當出貴人後頰至相水園文士傳云嵇康
性絕巧能鍛家有一柳樹乃激水以園之夏天

甚涼居其下遨戲乃鍛柳衙中朝故事云天
雨畔槐木俗號爲槐衙曲江池畔多柳亦號爲
柳衙意謂其行列如排衙也今古宮腰細瘦謂
之柳腰陰衙潘岳云弱柳蔭修衙半路梁簡文
帝云垂陰下畔路結草早知音依樓梁元帝云
楊柳非花樹依樓自覺春枝邊通粉色葉裏映
朱輪帶日交簾影因吹掃席塵陰漣謝元暉云
垂場蔭御溝珍樹傳玄云美允靈之鑠氣嘉木
德之在春何茲柳之珍樹稟二儀之清純受大

角之禎祥生濛汜之遐濱參剛柔而定體應中
和以屈伸長莖舒而曾茂蜜紫布而重陰夾道
塗與廣庭環清沼而成林雲沈約云輕陰拂
連章夾道連未央因風結復解霑露柔且長楚
妃思欲絕班女淚成行留人未應去爲此還故
鄉柳古詩云白楊初生時乃在陳章山高葉
拂青雲下根通黃泉雲應瑒云赴楊春之和
節植緘柳以承涼慮豐節而廣布紛鬱勃以敷
陽三春修其奄過景日赫其垂光振鴻條而遠

憐迴雲蓋於中唐**飛絮**王緝之云步江皋兮倚
望感春柳之依依垂綠葉而雲布颺零花而雪
飛絮又神農本草經云柳花一名柳絮**羊琴**唐
太宗皇帝云年柳變池臺隨隄曲直迴逐浪絲
陰去迎風帶影來踈黃一鳥啣畔翠幾眉開絮
雪臨春岸參差問早梅**拂鴈**杜之松云漢將本
屯營遼河有戍城大夫曾取姓先生曾得名高
枝拂遠鴈踈影度遙星不辭攀折苦爲入管弦
聲拂馬李義山云已帶黃金縷仍殘白玉花長

時須拂馬蜜處共裁鴉眉細從他歛腰輕莫亂
斜覆 劉商云露井天桃春未至遲日猶寒柳
開早高枝低枝飛鷗黃千條萬條覆宮墻幾回
臨別折欲盡一夜東風吹又長毵毵拂人行不
進依依送君無遠近青春去住隨柳條却寄來
人以爲信

楸

早脫 埤雅云大而散楸小而散榎楸梧早脫故
楸謂之秋楸美木也故曰山居千章之楸其人

與千戶侯等 **三時**董子云木名三時草命一歲
若椿从春楸从秋榎从夏所謂木名三時也芋
从子黃从寅茆从卯菑从酉莠从亥芋从丁茂
从戌芑从巳莘从辛葵从癸之類以一歲支幹
故草命一歲也 **楸線**夢書云榆爲人君楊爲使
者楸爲讚謁今柳謂之絲楸謂之線按楸有行
列莖幹喬聳凌雲華高可愛至秋垂條如線俗
謂之楸線

竹

淇奥

詩云瞻彼淇奥綠竹猗猗**會稽**禮記云東

南之莢有會稽之竹箭焉**篠蕩**尚書云篠蕩既

敷**致貢**尚書云揚州厥貢篠蕩荊州厥貢惟茵

簞括注篠竹箭蕩大竹茵籥莢竹也出雲夢之

澤三國常致貢之其名天下稱善**竹品**戴凱之

竹譜云竹之別類有六十一焉有桂竹甚毒傷

人必死有箭竹節間三尺堅勁中為矢箇籥亦

皆堪為矢箭大者為筆鍾龍竹伶倫所伐也廣

志曰雲母竹大竹也攤竹細而多刺也篋竹堪

作笛箛竹宜爲屋椽蔓竹皮青內白如雪輒韌
可爲索漢竹大者一節受一斛小者數升爲柎
楹利竹蔓生實中堅韌**耳靈**徵祥記云王者德
至於天和氣感而其露降尊賢容衆不失細微
則竹葉受之**三管**周官云孤竹之管孫竹之管
陰竹之管注孤竹竹特生者孫竹枝根之未生
者陰竹生山北者**蝮雉**異范云吳郡桐廬人嘗
伐餘遺竹見一宿竿雉頭蛇身猶未變此亦竹
爲蛇蛇爲雉也**卒實**劉楨云竹則填彼山陔根

彌阪域蒙雪寒霜不渝其色翠實離離鳳鸞攸
食又拾遺記云蓬萊山有浮筠之籛葉青莖紫
子如大珠也

慈姥

丹陽記云江寧縣慈姥山生

簫管竹

醉迷

四民月令云五月十三日謂之竹

醉又謂竹迷是日栽行多盛

矢竹

說文云箭矢

竹也

傷人

山海經云雲山有桂竹甚毒傷人必

死

蒼葭

易云震爲蒼葭竹

共谷

山海經云長石

山之西有共谷其中多竹衛丘之竹山林在焉

大可爲舟

千畝

史記云渭川千畝竹其人爲千

尹候等**有筠**禮記云禮之於人有竹箭之有筠

松栢之有心二者居天下之大端也故貫四時

而不改柯易葉注云竹箭篠也端本也二物天

地氣之本故不變**龜**地理志云雷州上貢電

班竹**巨竹**國史補云貞元中有人遊羅浮第三

嶺見巨竹有三十九節長二丈**鄆社**漢書云秦

地有鄆社竹林南山檀栢號陸海也**而俊**山濤

經云衛丘山南帝俊注俊舜字假借者竹林在

焉大可爲舟言舜林中竹一節則可以爲船**卯**

竹 羅浮山記云印竹本出印山張騫西至大夏

所見也而此山左右時有之繆老多以爲杖**青**

簡 風俗通云殺青書可繕寫又劉向別錄云殺

青者直用青竹簡書耳**鳳食** 韓詩外傳云黃帝

時鳳凰棲帝梧桐食帝竹實**桃枝** 山海經云嶠

冢之山器水之上多桃枝竹又爾雅云桃枝數

寸有節**仙石** 永嘉記云陽嶼有仙石山頂上有

平石方十餘丈名仙壇壇隙輒有一筍竹凡有

日竹葳蕤青翠風來動音自成宮商石上淨潔

初無麤籜相傳云曾有却粒者於此羽化故謂之僊石**通理**異苑云東陽留道德家中筋竹林忽生連理**扶老**竹譜云邛竹高節實中狀如人刻俗謂之扶老竹律本呂氏春秋云昔黃帝命伶倫爲律伶倫自大夏之西阮隃山之陰取竹之解谷斷兩節間長八寸九分而吹之爲黃鍾之宮律之本也**淚斑**博物志云舜南巡不返葬於蒼梧之野堯二女娥皇女英追之不及至洞庭之山淚染竹上成斑妃死爲湘水神**飛鵲**墨

子云公輸子削竹木以爲鵲成而飛之三日
不下自以爲巧通書史記云智伯率韓王攻趙
襄子奔晉陽原過後至王澤見三人自帶以上
可見自帶以下不可見與原過竹二節要過曰
爲我以是遺趙無恤原過告襄子襄子齊三日
親自剖竹有朱書曰余霍大山陽侯大吏也白
後吳越春秋云越王問范蠡用兵對曰越有處
女願君王召問之處女北行見王道逢老人自
稱袁公跪拔林行未拆墮地處女即捷其衣公

操其本而刺虜女虜女舉杖擊之公側飛上竹
變爲白猿**皮冠**漢書云高祖爲亭長乃以芦皮
爲冠應劭注曰以竹始生皮於冠今鵲尾冠是
也**竹田**三輔舊事云竇將軍有青竹田**江竹**楚

國先賢傳云孟宗母嗜荀及母亡冬節將至荀
尚未生宗入竹哀嘆而荀爲之出得以供祭至
孝之感也**椽笛**祭邕傳云邕避難江南宿於柯

亭觀椽竹仰嘆曰良才也取以爲笛音聲卓絕
羊車晉史云武帝平吳之後納孫皓宮人數帝

並寵之莫知所適乘羊車恣其所如所至則宴
寢宮人乃以竹葉挿戶以鹽汁酒地而引帝車

化龍

費長房傳云壺公入山以竹杖與騎至家

長房以杖投葛陂中顧之則化龍矣

隱居

世說

云王徽之字子猷時吳中一士大夫家有好竹
欲觀之便出坐輿造竹下咏嘯良久主人酒掃
請坐徽之不顧而去嘗借居空宅中便令栽竹
或問之徽之但嘯咏指竹曰何可一日無此君
邪

三徑

三輔決錄云蔣詡舍中竹下開三逕有

羊仲裘仲之徒與之遊七晉書云稽康所與

交者阮籍山濤向秀劉伶阮咸王戎爲竹林之

遊世稱竹林七賢六唐史云李白與孔巢父

韓準裴政張叔祖陶沔居徂徠日沉飲人號竹

溪六逸平安酉陽雜俎云李衛公言北都唯童

子寺有竹一窠纔長數尺相傳其寺每日報竹

平安御明皇雜錄云羅公遠引明皇遊月宮

擲一枝竹於宮中爲橋色如白金行數里至一

大城闕曰此月宮也規杖翰苑叢談云潤州其

露寺僧无耆李德裕方竹杖留贈之杖出大宛
國堅實而正節眼鬚牙四面對出公後鎮浙右
問僧曰竹杖無恙否曰已規圓而漆之矣

義竹

開元遺事云明皇遊後苑有竹叢筍不出外
顧諸王曰父子兄弟相親當如此竹因號義竹

射筒

唐史云宣宗大中間党項內掠邠寧詔鳳

翔李蕙河東李拔合節度兵討之宰相白敏中
爲都統帝出近苑或以竹一筒植合外纔尺許
遠且百步帝屬二矢曰党項窮寇仍歲暴吾都

今我約射竹中則彼當自亡不中我索天下兵
剪之終不以此賊遺子孫左右注目帝一發竹
分矢徹諸外左右呼萬歲不聞月羗果破**碧**
五伐史云扈載遊相國寺見庭竹可愛作碧鮮
賦題其壁世宗聞之遣小黃門就壁錄之覽而
稱善**蕭瑟**謝莊云瞻彼中唐綠竹猗猗直而不
介弱而不虧杳杳人園蕭瑟雲崖摧名楚潭羨
質梁池**象道**汪道云有嘉生之美竹挺純姿於
自然含虛中以象道体圓質以儀天託宗爽塏

列族圃田綠崇嶺帶迴川薄循隰行平原

葉露

謝朓云夜條風淅淅晚葉露淒淒

合風

虞羲云

含風自颯颯負雪亦倚倚

風動

簡文帝云有姬

娟之茂蓀寄江上而叢生玉潤桃枝之麗魚腸

雲母之名日映花靡風動枝輕

新抽

梁元帝云

嶰谷管新抽淇園節復修作龍還葛水爲馬向

并州柯亭臨絕澗桃枝夾細流冠學芙蓉勢花

堪威鳳游邛王若有獻張翥應拜侯

波漱

虞羲

云挺此真堅性來樹朝夕池秋波漱下趾冬雪

封上枝蕨難防曉露惹舊集羈雌風籟謝朓云

窓前一叢竹青翠獨稱奇南條交北葉新荷雜

故枝月光跡已密風聲起復垂青鳥飛不礙黃

口得相窺但恨從風轉根株長別離風草謝希

逸云風篁成韻韻顧野王云詩詠洪水騷稱

江十崖憐拂石神貴掃壇既來儀於鳴鳳亦優

仲於湘鸞鸞劉孝先云竹生荒野外捎雲起

百尋無人重高節徒自抱真心恥染湘妃淚蓋

入上官琴誰能制長笛當爲作龍吟懷風蕭放

云懷風枝轉弱防露影逾濃既來丹穴鳳還作

葛陂龍

國

陰堅云夾池一叢竹青翠不驚寒

葉醜宜城酒皮裁薛縣冠湘川染別淚衡嶺拂

仙壇欲見蕨鞋色雷來免苑看

龍影

唐太宗云

貞條却曲砌翠葉負寒霜拂隴分龍影臨池侍

鳳翔

指雲

虞世南云蕊翠指雲質垂彩映清池

波泛含風惡流挫防露枝龍鱗漾嶰谷鳳翅拂

連漪欲識變冬性惟有歲寒知

故人

李益云微

風驚暮至臨爐思悠哉開門風動竹疑是故人

來時滴枝上露梢霑塔下苔幸當一入愧爲拂
素琴埃

椒

似薑

埤雅云椒似株莢而小赤色內含黑子如

黝今謂椒日本有針刺葉堅而滑澤**來**酉陽

雜俎云椒可以來永不銀也菜莢氣好上椒氣

好下蓋椒氣性不上達故詩以譬沃也言沃盛

強能修其政然其馨香下達而已**椒品**山海經

云琴鼓之山其木多椒景山多秦椒又范子計

然云蜀椒出武都赤色者善秦椒出天水隴西

細者善**禦溫**援神契云椒薑禦溫蒲盆葱**貽握**

詩云貽我握椒**韋衷**莊子云韋以哀椒雖踰絺

綌然又則臭椒故天下之理有物雖甚佳後更

爲害不可不察**塗室**漢官儀云皇后稱椒房取

其實蔓延盈升以椒塗室亦取其溫暖**飲酒**四

民月令云正月旦進酒降神畢室家無大小次

坐先祖之前子孫各飲椒酒其家常稱舉白**齋**

椒張璠漢記云桓帝竇皇后崩中常侍曹節王

甫欲以貴人禮葬太尉李固將入擣椒白隨謂
妻子曰若太后不得配桓帝吾不生還矣**致祭**
魏氏春秋同異云鍾繇嬖庶子會之母黜其夫
人奏帝命繇復焉繇志忿冷椒致祭帝乃止**播**

芳楚詞云播椒芳兮成堂又云雜申椒與菑桂

蠲疾成公綏云嘉哉芳椒載繁其實厥味惟珍

蠲除百疾肇惟歲始月正元日未介眉壽以祈

初吉**宋獻**劉臻妻云羨哉靈葩爰采爰獻聖容

曠之末壽於菑**蕙林**郭璞云椒之灌植實繁有

榛薰林烈薄香勃其芬卒服之不已洞見通神

桂

舍剛

春秋運斗樞云椒桂舍剛陽

山桂

酉陽雜

俎云山桂葉如麻細花紫色黃葉簇生如護火
草花出丹陽山中

廣香

地理志云桂陽郡有桂

嶺放花徧白林嶺盡香

八樹

山海經云臯塗山

有桂木八樹在實禺東八樹成社言其大也實

禺即番禺

招搖

山海經云招搖之山其上多桂

又呂氏春秋伊尹說曰物之美者招搖之桂

節

禮斗威儀云君乘金而正其政訟平芳桂常

生**石**臨海記云石山望之如雪山有湖傳云

金鵝之所集八桂之所植**氣王**山海經云桂生

南隅拔萃岑嶺氣王百藥森然雲挺**後天**韓終

云閩河桂實大如栗得而食之後天而老**山**

淮南王劉安招隱士云桂樹叢生兮寂寂幽註

其徒有大小山**禪**禪林備覽云天竺山昔有

梵僧從天竺驚山飛來八月十五夜常有桂子

落又白樂天云仙花桂子落紛紛**後天**酉陽雜

組云西河人吳剛學仙有過謫令月中伐桂樹
月桂高丈五剛常斫之樹創隨合**薪貴**戰國策
蘇秦云楚國食貴於玉薪貴於桂**因地**韓詩外
傳云宋玉因其友見楚襄王待之無以異談其
友其友曰夫姜桂因地而生不因地而辛女因
媒而嫁不因媒而親**好食**列仙傳云范蠡好食
桂飲水賣藥世常見之**常服**又云桂父象林人
常服桂皮葉以地脂和之**馱蓋**陸賈傳云尉佗
馱桂蠶二器**餌桂**神仙傳云離婁公服竹汁餌

桂得僊許由父箕山得卅石桂英今在中岳
盛廬山記云山有三石梁廣不盈尺俯聆無底
吳猛將弟子過此梁見老翁坐桂樹下以玉杯
承甘露與猛
如**世**世說云客問陳季方曰足下
家君太丘有何功德而荷重名答曰家君譬如
桂樹生太山之阿上有萬仞之高下有不測之
泉上爲甘露所霑下爲川泉所潤當斯之時桂
樹鳥知大山之高川泉之深不知有功德歟
桂晉書云郗詵射策第一武帝問之對曰臣令

爲天下第一郊桂一枝用子五行志云垂拱四

年三月雨桂子于台州旬餘乃止五枝五代史

云燕山竇諫議五子馮道贈詩曰丹桂五枝芳

續

漢武帝云氣潛以棲疾兮桂枝落而銷亡

神晃晃而遙思兮精浮遊而去羣新圖王褒云

歲餘彫晚葉年至長新園月輪三五映鳥生八

九飛風沈約云秋風生桂枝天香宋之問云

桂子月中落天香雲外飄舊庾肩吾云新叢

入望苑舊榦別層城倩視令移處如何月裏生

如霞王維云山中有桂枝莫待花如霞**珠英**李
德裕云瓊葉潤不凋珠英粲如織**芳本**柳子厚
云謫官去南裔清湘繞靈嶽晨登黃葭岸霜景
霽紛濁離披得幽桂芳本欣盈握火耕因煙燼
新採久摧剝道旁且不顧岑嶺况悠邈

類雋卷第二十七終